

ODSJEK ZA GEOGRAFIJU

Univerzitet u Sarajevu - Prirodno-matematički fakultet
III ciklus/doktorski studij

Naziv programa: REGIONALNO I PROSTORNO PLANIRANJE

Univerzitetski stepen: III ciklus univerzitetskog obrazovanja – doktorski studij

Nosilac studijskog programa: Odsjek za geografiju Univerziteta u Sarajevu - Prirodno-matematičkog fakulteta

Naziv diplome/titula: Doktor geografskih nauka /znanosti u oblasti regionalnog i prostornog planiranja

Trajanje studija: 3 akademske godine; 6 semestara

Kreditne vrijednosti studijskog programa: 180 ECTS

Ishodi učenja

Studijski program trećeg ciklusa – doktorski studij geografskih nauka, usmjerenje: Regionalno i prostorno planiranje, programski je profiliran kao naučno - istraživački studij najvišeg nivoa univerzitetskog obrazovanja. Nastavno-naučni proces i studijski program su prilagođeni multidisciplinarnim naučnim istraživanjima koja za cilj imaju unapređenje postojećih naučnih spoznaja i njihovu teoretsku i praktičnu aplikaciju u različitim oblastima prostornog planiranja i regionalnog razvoja.

Obrazovni proces i edukacija studenata na III ciklusu studija usmjereni su na sticanju i unapređenju teoretskih i praktičnih naučnih spoznaja kroz:

- baznu edukaciju studenata tokom I godine studija, koja se realizira u skladu sa obaveznim i izbornim obrazovnim modulima koji se slušaju tokom prve godine studija;
- realizaciju naučno-istraživačkih projekata koji su tematski koncipirani u skladu sa odabranim usmjerenjem studenata u različitim oblastima regionalnog i prostornog planiranja tokom druge i treće godine studija;

Realizacija navedenih obrazovnih sadržaja je zasnovana na samostalnom radu kandidata a u saradnji sa:

- nastavnicima koji realiziraju nastavni proces na nivou obaveznih nastavno-naučnih predmeta;
- supervizorom/mentorom tokom realizacije naučnih istraživanja na nivou izabranog disertacionog usmjerenja kandidata.

Ciljevi učenja

Osnovni obrazovni ciljevi i naučne kompetencije koje se stiču na III ciklusu studija – doktorski studij na Odsjeku za geografiju Univerziteta u Sarajevu - Prirodno-matematičkog fakulteta – usmjerenje: Regionalno i prostorno planiranje, su:

- samostalan naučno-istraživački rad i rukovođenje timovima za izradu baznih naučno-istraživačkih elaborata iz oblasti identifikacije i valorizacije prirodnogeografskih i društvenogeografskih resursa;
- samostalan naučno-istraživački rad i rukovođenje timovima u svim fazama izrade regionalnih i prostornih planova opće i posebne namjene;
- samostalan naučno-istraživački rad i rukovođenje timovima u oblastima urbanog planiranja i izradu detaljnih urbanističkih planova;
- samostalan naučno-istraživački rad i rukovođenje timovima u svim fazama izrade regionalnih razvojnih planova;
- samostalan naučno-istraživački rad i rukovođenje timovima u različitim fazama pripreme, izrade i revizije regionalnih i prostornih planova opće i posebne namjene;
- samostalan naučno-istraživački rad i rukovođenje timovima za izradu, prezentaciju, reviziju i recenziju strateških planskih dokumenata koji se odnose na tematsku regionalizaciju Bosne i Hercegovine;
- samostalan naučno-istraživački, savjetodavni i nadzorni rad u oblasti održivog korištenja prirodnih i društvenih resursa u okviru nadležnih ministarstava i javnih i privatnih institucija;
- samostalan naučno-istraživački, savjetodavni i planski rad u oblasti zaštite od svih oblika prirodnih nepogoda i katastrofa i druge poslove iz navedenih oblasti;
- sistemsko shvatanje suštine geografskog prostora i njegove valorizacije u strateško razvojne svrhe;
- izgradnju umreženog, kompleksnog mišljenja o životnoj sredini kao mediju razvoja prostornog, regionalnog i općegeografskog značaja;
- aktivno učešće na međunarodnim naučnim i stručnim skupovima koji su tematski povezani sa oblastima regionalnog i prostornog planiranja.

Profesionalni status

Nakon završenog trećeg ciklusa studija, doktoranti geografije iz oblasti regionalnog i prostornog planiranja su potpuno osposobljeni za samostalna naučna istraživanja teoretsko-aplikativnog karaktera i samostalan praktični rad u oblastima regionalnog i prostornog planiranja.